



疎齋集一

詩賦

共十

~ 16  
2421  
1





和  
242  
1-10

疎齋集總目



卷之一

賦

詩

卷之二

詩

卷之三

疏劄

卷之四

疏劄

疎齋集

總目

一



卷之五

疏劄

卷之六

疏劄

卷之七

疏劄

卷之八

疏劄

卷之九

議



玉堂故事

教書

批答

箋

卷之十

序

記

題跋

卷之十一

贊



銘

箴

雜著

卷之十二

雜著

卷之十三

陵誌

墓誌

墓碣

卷之十四

墓表

碑

卷之十五

謚狀

卷之十六

行狀

卷之十七

行狀

卷之十八

祭文



哀辭

卷之十九

書牘

卷之二十

書牘

疎齋集卷之一目錄

賦

梅賦

次夢窩相公

金公昌集

所次歸去來辭

詩

寄題安分堂

李公樵堂號

奉別仲舅

朴公銑

浮山寺次林德涵

泳韻

送歛谷從兄

鼎命

戲贈徐君望

宗泰



壬戌秋七月既望在直中與徐君望諸人登

仁政殿陞上口號

直中夜雨奉呈伯氏行軒

題贈能上人

明聖王后挽辭 三首

直中次趙子直 相愚 記行韻仍示諸彦

江都寄申叔開 啓華

次玉堂諸彦韻

禁直示同僚

別金仲和 昌協 赴北幕

慈殿誕日次翰苑諸公韻

次題洛山寺

登召公臺

印寄尤翁大字及唯靜以下三世碑文於李同

甫 喜朝

金郎 鼎運 求詩示之

次陶詩示金郎

贈印成老師

崔督郵弘甸徒步來訪書此以送其歸 二首

與冠童數人往見 梧桐坊



贈別李生茂叔 松齊○三首

詠鴛鴦 二首

次金守甫 鍾龜所寄韻 附原韻

送察訪叔 敏啓○二首

追和梅鶴亭題詠韻 二首○并序

送從兄以書狀赴燕 二首

尹寧海 誠教 大夫夫人挽

尹副學叔 摺挽

往洪州逢李文士常 恒仍次其韻

趙司書 正鑾 大夫夫人挽

凝清閣曉起

李尚州 恒挽 三首

松都次副使 李喜茂韻

宣城祠宇敬次西浦金公韻示院中諸生

查對後有感書示副使書狀 李明浚

渡江雜詠 四首

金石山書示副使書狀

柵門次杜律示同行

次副使冬至韻

入柵記所見



清人盡夷東邊城若感而賦一律奉示同行兩兄

次副使十里舖韻

黃旗堡途中望醫巫山書懷

過醫巫閭山下書懷

過廣寧古城有感

間陽途中見載虎車

大凌河路中望錦州山吊古 二首

見祖家兄弟牌樓

贈別謝恩副使

撫寧縣途中望昌黎故城

謁清節廟

又賦

榛子店次副使次季文蘭韻 二首

高麗堡次副使韻

次副使祿山貴妃廟韻

通州次忘軒李胃韻

寓隆福寺次副使韻

次副使除日詠懷韻

次副使元宵韻



元日是我懸弧之夕副使令公設杯盤以慰之  
厚意不可忘謹和其韻

次副使見新曆有感韻

曉聞鐘聲有感示副使

館中觀調驛馬

夜聞隣家琵琶聲次杜律吹笛韻

睡餘聞胡僧誦法華經次和靖詩韻

燕京次杜工部秦州雜詩

二十首

玉田道中觀耕者

寧遠衛秀才張赤城持詩請和與副使共和

廣寧途中遇雪

次副使周流河道中次工部韻

遼野

渡遼河

分水嶺途中少憇川上

奉和仲氏所次唐詩韻



疎齋集卷之一

賦

梅賦

壬申

凡物之有生氣者皆似有性情知覺若孝子  
 哭而墓柏死兄弟分而庭荆枯者是已感應  
 之理不可誣也西浦公謫舍嘗種二梅樹每  
 歲開花結子余自東邊移入島中旅櫬已北  
 歸而二梅獨立荒庭憔悴欲死余撫遺躅而  
 憐之移植於所居堂前謁然復蘇枝葉已向  
 茂矣卉植百品惟梅獨稟其幽貞皎潔之性





公之好之也正以其氣味之相近而梅之不  
二公於存沒之際者真若士之為知己女之  
為所天其意有足悲者作賦以頌之

炎州地瘴卉木滋兮玉玦南遷梅受知兮托根敷榮  
慰幽獨兮冰心雪膚炯相燭兮窮荒萬里兩美合兮  
日斜孟夏野鳥入兮空園脩竹倚荒籬兮於悵無色  
奄披離兮嗟爾貞心類服義兮榮枯一節廓其無媿  
兮離騷詠物非至公兮廣平既沒孤山空兮千春始  
選遽永謝兮一念嬋媛耿難化兮王孫一去曷月而  
歸兮蠻風蜒雨縱自芳菲兮歲暮空谷識者其誰兮

枯槁自矢死無移兮客自東來醉過門兮臨風三嗅  
泣芳根兮慚非玉潤慕生平兮雖無老成尚典刑兮  
願托晚契如弟昆兮悲吟楚些與招魂兮

次夢窩相公

金公昌集

所次歸去來辭

辛丑

余罹讒去國將泝漢入峽夢窩相公寄示所  
次陶辭及三淵翁所次者命余和之二辭清  
和不失古人之意余省墓後謹步韻叙懷蓋  
公則思歸三淵已歸而惟恐公不深入余則  
方歸而反謂公不可去意與相反故語多迫  
感深媿元亮樂天乘化之曠云



歸去來兮丘墓九年今始歸余自遲回於險塗縱顛沛其奚悲遵城隈而過江驚使華之相追辭楓宸以一封恐義分之或非離情懸於帆影晚計遂於初衣悲蒼梧之暮雲顧終南之翠微東望松楸載泝載奔滔滔漢水鬱鬱龍門露濡草芊攀柏猶存佳辰幾回敬薦清樽智自昧於介石奉先訓以何顏而桑榆之可輸庶瞻依而自安感右軍之誓墓媿青牛之出關惟出處之適義豈在人而殊觀念共人之盡瘁魂屏營而時還曾有約乎惠好悵獨歸而盤桓歸去來今長與君而絕遊谷鳥鳴而相和矧伊人而不求然

君子之經世重後樂而先憂山人攀桂而相招慎莫懷乎春疇睠彼陶山有車有舟徵前夢而築室誓終老于斯丘雖自保於歲寒孰砥柱於橫流非我云之刻子時不可乎處休已矣乎國無人兮可奈何曷不忘身少淹留胡為乎棲棲欲何之沉憂未易掇晚節嗟難期如彼泉而淪胥顧何心乎耕耔休賡和乎晉辭詠夙夜之周詩余豈忽夫挈矩人各自靖君無疑

周雅多用夙夜字如夙興夜寐無忝爾所生夙夜匪懈以事一人三事大夫莫肯夙夜莫非詠歎者也

詩

寄題安分堂

李公懌 戊午



錦里歸來樂事多長安北望五噫歌雪中東郭先生  
履梅下西湖處士家半夜溪神幽夢語清晨田夫好  
懷過從今寂寞安天分安分堂成萬福嘉安分堂在愚溪故

借用子厚愚溪對語  
奉別仲舅 朴公銑

春寒惻惻春泥滑明日西行路正遙一別音容消息  
濶黃驪白馬不通潮

浮山寺次林德涵 泳韻

良辰已婉晚江岸殘花墜念此足可惜邀君泝綠水  
泊舟上古寺老僧迎客至和風送微雨石逕空翠裏

幸茲萍水遊喜君煙霞氣惜君未莫居漂泊靡所倚  
匡時憶夔臯避世思綺里何當與子去永謝人間事  
頽頽不早决戚戚悲未已此意誰共討憑君聞正始

送歙谷從兄 禹命 庚申

曾馭飛龍住玉京忽隨鳧鳥向蓬瀛鶴湖舊有菟裘  
計淮府今看彩服行歸隱初心成吏隱專城榮養更  
連城世間此事誠難得何恨區區惜別情

戲贈徐君望 宗泰 辛酉

君王夜設金華講學士徧承雨露恩秉筆只當明袞  
鉞東西南北更何論



壬戌秋七月既望在直中與徐君望諸人登

仁政殿陞上口號 壬戌

露白風清掖院幽共攜明月上螭頭偏憐一夜承明  
直孤負千年赤壁遊達士已觀天地變浮生漫有古  
今愁當階獨鶴驚殘夢猶憶蘇仙壬戌秋

直中夜雨奉呈伯氏行軒

時伯氏以禮官奉審胎封路過扶江

中宵風雨正颼颼獨抱綾衾動遠愁遙憶故園今寂  
寞想應行蓋久夷猶功名一世圖麟閣世態千場幻  
蜃樓幾日對床尋舊約商飆正近李鷹秋

山人能悟即善文上人之弟子善文曾受知於

我祖考嘗拜於珍島謫居祖考贈以詩序謝之

今能悟持此文來示余請一言故贈之 癸亥

金山老宿說往事向余慙慙乞詩句少年曾師善上  
人浮杯共涉滄溟渡是時公家先相國嬰鱗久作湘  
潭客逢迎却喜有故情贈別不惜瓊琚作退之之衣  
蘇子帶山門盛事傳湖海邇來三十八年間世事如  
雲一身在至寶曾同衣鉢傳提攜護法方丈前聞公  
家聲世綿延伯兮甘棠更繼先彩服南州公又至一  
言記事能無意余聞此語懷感傷為師把筆揮雙淚  
大家遺風余恐負長老至意師能守師乎師乎從今



勿傳非其人示我子孫千世後

明聖王后挽辭

名門生淑女 京室早來嬪 聖祖稱佳婦 寧王

有亂臣關雎基美化車馬戒私親佇看后妃傳 徽

音並擊華

其二

慶協金滕卜灾成素奈悲 積憂遐筭促 虔禱上

穹知倚伏昧神理勤勞想 聖慈金華他日 講應

廢蓼莪詩

其三

愛日嗟難駐重三漫過期淒涼 長信殿寂寞 萬

年卮 聖孝終天慕 遺音沒世思向來蹈舞地那

忍進哀詞

直中次趙子直 相愚 記行韻仍示諸彦 趙為湖南我為

湖西御史而還

湖南千里接湖西歧路雙驄別玉蹄江漢我先旬日  
渡海山君得幾篇題清竒水石丹丘峽蕪沒松篁白  
馬樓青瑣歸來頻入夢臥聽宮漏認村雞

江都寄申叔開 啓華

三秋水國海門濶潮急風高檝欲摧中夜滿船驚擾



擾不知誰是濟川才是日祖江夜泊遇風

次玉堂諸彥韻時設於舊春坊諸公以為重輪之

奇光各賦一詩

金鑾移近舊儀宸祿祝新年佇慶綸他日 胃筵叨

陪講不才惟恐忝先臣已酉先大夫以司書入直春坊余童年隨入今入其地念

舊興哀末句及之

禁直示同僚近日吾儕日無所事初昏而寢日晏始起其於古人所謂夜朝之氣

非但不能存養長在昏昏中亦何能知有此氣乎今朝展讀御講心經書警而題之

朝氣清明夜氣靜古人深察好光景玉堂春睡迷朝  
曛多媿巖僧喚惺惺

別金仲和昌協赴北幕

鄉吾停遠役朝暮慰門閭駁議嚴前席深恩憫絕裾  
黃江閒彩服金壤久銅魚獨自淹華省慚君塞外車

黃江黃驪李子三所居金壤金城邑號徐君望出守兩人與余俱不赴北幕共被人言

慈殿誕日次翰苑諸公韻丁卯

玉漏聲沉瓊闥開趁班仙珮響鑾臺 宮中喜氣千

秋賀地底新陽七日來舒泰行看 昭代化揄揚賴

有侍臣才朝朝染翰非吾事欲和瓊篇媿後裁

次題洛山寺

西來旒旒暗飛塵信宿琳宮恨轉新海霧苦遮暘谷



日山花半謝祇園春

登召公臺

臺在三陟火飛嶺黃翼成公喜以關東饑蝗特簡按節住節於此嶺東民

迎思築石臺之立碑紀之余亦以特旨除此職來登此地懷古人而不可及作詩以紀之

峻嶺橫天半高臺迹已陳召棠猶蔽芾羊石更嶙峋

簡拔當荒歲登臨媿古人憂時雙涕淚愁絕海山春

印寄九翁石刻大字及月沙白洲靜觀齋所撰

惟靜法師以下三世碑文於李同甫喜朝○同甫時為平

康侔九翁於萬瀑洞真珠潭盤石上大書晦翁詩一句月沙以下各撰惟靜以下三世碑文同甫懇請印本故印出送之兼寄一律時北僧

豐說以陽坡弟子在正陽寺與同甫為世交

華陽健筆紫陽詩李氏高文釋氏碑勝地千年名益

重空門三世迹又奇承家受業惟吾子護法傳衣見

老師持此贈君深有意莫將斯道媿沙彌

金郎鼎運求詩示之壬申

詩成却恐淚添痕絨口殘春獨掩門千古離騷空自

怨當時尼父欲無言扶桑咫尺魚龍闖大海東南颺

颺昏知爾才情如宋玉楚些招我未招魂

次陶詩示金郎

孟夏久旱曠今朝雨蕭疎萬物皆昭蘇吾獨悲窮廬

稍喜東床子朗誦商王書少年富才思何難窮五車

但惜大禹陰莫厭希文蔬殘生竟何用討論聊爾俱



探看子厚銘玩索濂溪圖悠悠死生理不安當何如

靈鷲山人印成老師

在順天興國寺

曾往來於西浦公

所今夏余移入海中師輒來相見仍語及西浦公曰清明秀異且能旁通禪語不幸旅櫬已出海矣遂揮涕而相慰其十月又越海來見夜宿求余一言甚勤余自遷謫以來無意鉛槧老師之意終不可孤遂成一絕以贈之

海上浮杯客天涯泣珉人相逢如舊識存沒共傷神

崔督郵

弘甸

自寶城徒步來訪此古人之所難

能也且勸余以嚙津調息之術自言用此能已

病其厚情高義無以相報書此以送其歸

重溟匝地瘴煙昏佳節傷心獨掩門千里故人徒步至感君今世古心存

其二

故人憐我病昏昏指我還丹不死門獨有靈均知此意能言壹氣夜中存

與冠童數人往見梧桐坊

寥落秋懷久掩門偶攜童冠過前村田間饑婦休相問溪上神翁定有言半世煙霞違宿計窮荒水石荷寬恩傍人莫歎居夷陋從古滄洲道亦存



贈別李生茂叔 松齊

相逢雪涕兩無言  
零落空餘九死魂  
蠻風颯雨何須問  
漂泊泊東南亦 聖恩

其二

從遊翰墨已周星  
何意天涯問死生  
岐陽舊業今猶在  
座右新題夙夜銘 茂叔善篆隸各體

其三

湘潭風雨夜連江  
楚客離歌不成腔  
滄浪學士如相見  
須乞新篇寄竹窻 滄浪亭即林德涵所居羅州會津江上○偶讀賈太傅賦有流

於易象蓋天下之至險無過於水水之險尤無過於海今余處海中坎險極矣且古人於患難有若將終焉之志良止之義亦相合故乃借賈語名所居齋今請茂叔以大篆題其扁其齋南北三極中隴以竹扉東西兩壁各開牖戶亦有中實外虛之象云

詠鴛鴦 野人有以三雛來與者籠養之羽毛已成其一飛去雌雄各一朝飛暮歸

愛爾貞姿養作雙  
尚憐清夜憶寒江  
秋來無限籠中思  
獨向羈人喚竹窻

其二

雲水寒蹤籠裏雙  
曉天煙雨夢清江  
非無六翮冲霄志  
忍負深恩別客窻 右鴛鴦答

次金守甫 鎮龜 所寄韻



生全亶荷 主恩垂零落驚魂忍至斯鵬鳥堂前斜  
日淚鶴鴒原上幾年悲重泉北望迷歸夢漲海西連  
有所思別後存亡無限痛與君何處泣相持

原韻

守甫

東望露梁血淚垂驚聞君又謫於斯當年辱獎謝  
玄感他日編文李漢悲握手何當同一哭見書猶  
得慰相思重憐四載鴒原痛惟願寬心勉護持

送察訪叔

敬啓

人生不死會相逢朱鳥扶桑路不窮六載離情三夜  
語又何逢別太匆匆

其二

臨分握手兩悽其乍別爭如未見時滄海極天歸路  
遠不知何日是前期

追和梅鶴亭題詠韻

并序

昔余忝備禁林時禮谷李公亦出入銀臺相  
與夙夜周旋余每見公慨然有歸歎之歎心  
知其不可久留也一日出示梅鶴亭題詠錄  
一卷曰我將歸矣子其為我和舊韻詠吾亭  
余受而卒業復於公曰世之能傳受先業久  
而勿失者寡矣况冑堂構於數世之後者乎



退之有言中世士大夫以官爲家退則無所  
於歸今兄能去朝廷則處江湖此其事皆可  
歌也且國朝百餘年間名賢鉅公之作多  
在此卷顧余托名其間又一幸也義無可辭  
然兄方有歸志弟亦有奉檄之願乞得嶺外  
縣即從兄於金烏洛水之間一登江閣把酒  
而詠之不亦樂乎公曰吾歸且待子其無負  
其後公則果決歸而余獨未遂私願宦遊東  
關每逢佳山水處輒懷公舊約南望悵然既  
而余獲罪戾先竄海上公自峽郡又投北荒

路出余所寓行塵咫尺不敢攀別前歲余又  
移遷島中聞公凶音嗟乎早知人事遽如許  
題亭之作豈必待於登臨握手之別寧復畏  
乎耳目幽明一隔此意誰告余頃寄書於公  
之胤子鼎華新之曰此事奄成千古之恨今  
欲追和其詩以叙悲情新之乃寄示全卷卽  
十年前舊所見也撫卷流涕疾病呻吟之暇  
謹和卷中二韻以還之若九原有知其以余  
爲不相負也耶嗚呼悲哉

京國從公十載前歸心每說洛江邊傳家梅鶴身將



老滿卷瓊瑤與獨牽他日待君毛義檄秋風訪我季  
鷹船登臨一詠今虛負舊約空悲畫省年

其二

觀魚臺下望行塵旅櫬今聞返洛濱關塞別離無限  
路湘潭憔悴幾歸人重泉盡是平生舊瘴海空餘萬  
死身遙想江梅春正發楚些吟斷獨傷神

送從兄以書狀赴燕有故不果  
去丙子

腥羶寧有百年期規國要能識盛衰况是風塵一小  
劫正應天道好還時丙子亂後  
今年一周

其二

雪裏征車莫遠將朔雲江樹兩茫茫城南一見還如  
夢猶勝離魂隔瘴鄉

尹寧海誠教大夫人挽

丹旌千里逐行路亦霑裾嶺嶠連滄海潘輿換素車  
悲歡前歲事離隔十年餘尚憶東州日升堂問起居

尹副學叔摺挽

詩歌明哲易稱貞傳世高風世莫爭丘壑早年名益  
重滄桑百變道彌亨襄陽耆德嗟誰在正始微言隔  
此生遙想池塘春夢後舊琴調絕不成聲

往洪州逢李文士常恆仍次其韻



詩翁杜曲謝塵喧  
我羅浮梅下村  
宿昔容華雖日改  
暮年詞氣尚雲騫  
春陰入戶輕寒逼  
樽酒論文細語溫  
何處哀猿增別恨  
海天風雨又黃昏

趙司書正緯  
大夫夫人挽

自結潘楊好悲歡  
廿載同荀龍更托契  
陶母久聞風寂寞  
河汾業哀涼馬竇  
功當時不盡淚題挽  
望江東凝清閣曉起

樓客開窗曉靄消  
舟人驚道小篷高  
五臺山雨知多少  
一夜江流長一篙

李尚州恆挽

蕭曹家世龔黃名  
璽秩非因帶礪盟  
大邑碑聯棠棣頌  
百年庭有桂枝榮  
田園樂志傳先業  
詩酒高風慰暮情  
最是西河不盡淚  
至今行路亦沾纓

其二

離懷歲晏向誰開  
望裏烏棲夢屢回  
兩世絲蘿敦夙好  
新秋杖履約重陪  
纔聞珂珮朝天闕  
誰道儀形隔夜臺  
錦水花山俱寂寞  
不堪人事轉成哀

其三

江湖淪落隔塵喧  
十載重逢海上村  
暮峽哀猿啼欲絕  
春洲斷鴈病難騫  
存亡忽忽傷頭白  
詩律翩翩借



酒溫今日薤歌和舊曲南天悵望雪霜昏

松都次副使

李喜茂韻 甲申

前朝家法亂天常何況伊蒲教亦荒五百歷年嗟已  
幸九陵佳氣久成涼婦人戴笠猶羞面男子輕身遠  
服商遺俗至今無可記但看勤齋類曹唐

宣城祠宇敬次西浦金公韻示院中諸生

金將軍應

河昔蒞宣川西浦金公及定齋朴公士元曾謫此地故邑人並享之

臣節諒無二犯顏能死義人間剛大氣不獨裹革士  
析楊與矢石萬死寧謀利宣城新闕宮古今同一淚  
深河百戰後遺俗懷曾蒞悲涼蘭佩歌惻愴香火事

我來為瞻拜征車將北指遺風日以遠歲月如湍駛  
邊城氣慘悽京國杳千里英靈想有無楚些臨江水

查對後有感書示副使書狀

李明浚

截肪磨玉見深賞弁老卮言海內傳今日擎天柱下  
路可憐書紙尚如前

弁州云東國表箋紙如磨玉字如截肪可見事大之禮擎天柱

在北京關中金水橋頭天朝時奏事受旨皆於此處云

渡江雜詠

邊城落日照幡幢冬至無冰舵鴨江誰遣佳人增別  
恨滿船離唱不成腔

其二



江邊忽見剃頭人  
龙帽尖靴八尺身  
興廢百年能識  
否爾先應是漢遺民

其三

江西百里斷人煙  
蘆葦連天細路穿  
徃徃菑畬餘舊  
迹空林墟落尚依然

其四

皇朝要服限三邊  
吠狗鳴雞接九連  
今日久為豺虎  
窟征人刁斗不成眠

金石山書示副使書狀

野宿羶為帳風餐匙有冰  
寒宵忘此苦共枕賴良朋

塞馬前途熟郵人漢語能  
山川類吾土隨處興堪乘

柵門次杜律示同行

列戍無亭障關門柵作城  
猶難議徑入誰復請橫行  
甲歲傷初復遺民見可驚  
皓天應不忘今夜一陽生

次副使冬至韻

日行南陸我東城身在東  
城夢漢京今夜彤庭清  
珮會九天香案異煙生  
家人豆粥增懷遠兒子  
鬚繁代薦誠佳節關心鄉  
國遠歸程應見晝宵平

入柵記所見

侏儒當門索禮單章京麻  
貝最稱難俄然托怒名般



少三匝重圍困譯官

清人盡夷東邊城若感而賦一律奉示同行兩兄

東邊千里列臺隍創業雄圖萬世長誰遣皇庄騷海內更聞胡騎犯遼陽挑蟲勢變拚飛鳥雙虎功成一舉莊中土固知非爾宅毀城夷壁是何腸

次副使十里舖韻

偷閒莫喜暫停車孤角催行曉色初明日瀋陽宜早到龍灣歸使付鄉書

黃旗堡途中望醫巫閭山書懷

屈平詞賦周公書曾識仙山鎮北墟今日天端騁遠

望令人却憶賀翁居

周禮幽州之鎮曰醫巫閭屈原遠遊賦稱於微閭賀郎中欽以

陳白沙高弟隱居此山下世稱醫巫閭先生

過醫巫閭山下書懷

遼野終無一點山醫閭萬丈忽噴吼仙人琪樹春風近處士幽居白日閒安得招來西去鶴飄然騎上最高巒惟應帝座通呼吸我欲深羞訴九關

過廣寧古城有感

廣寧在醫巫山下為東路必爭之地萬曆中寧遠伯李

或樞守此城多邊功世傳寧遠營虜金汗之父奴那赤置幕下奇其年少壯勇而愛之常戒之日無負中國對曰老爺在時不敢云李公知其如此而不除此胡亦天也領聯用王夷甫事



李公二子如松如柏有功於東征尤有不可忘者也天啓中巡撫王化貞聞虜兵至而軍潰失此城朝廷并誅經略熊廷弼熊有功而無罪故天下冤之云

舉目山河百戰場荒城落日淚盈裳安知天意扶驕子無賴王生識老羌誰使官軍先自潰當時經略最堪傷永懷寧遠多奇績何況東征有二郎

間陽途中見載虎車

陰山白額鎖銀鐺  
視車中尚電光  
睡罷嘯風餘舊氣  
饑來搖尾救饑腸  
吳蒙小計欺雲長  
夢澤偽遊縛楚王  
往往雄豪多類若  
羨他驢子踏康莊

大凌河路中望錦州山吊古

聊城飛矢將軍泣  
司馬宮門長史留  
莫道天亡非我罪  
睢陽當日絕虬蟬

其二

提兵燕土事堪傷  
淚落清翁嶺外章  
聞說錦州將陷日  
華人猶責負神皇

見祖家兄弟牌樓

大樂大壽兩樓在寧遠城中

隴西家世已陵夷  
瑤閣銘功刻畫奇  
石爛千秋名不滅  
睢陽惟有墓前碑

贈別謝恩副使

落日逢君右北平  
朔雲空積少人行  
漢家飛將英靈



在莫訛胡兒老虎名

撫寧縣途中望昌黎故城

唐興才子但能詩千古雄文一退之免耳山前尋往  
迹滿床牙笏筆峰奇

堪興家以山多尖  
峰為滿床牙笏

謁清節廟

讓國西遊見翦商吁嗟斯世遠虞唐傳聞大火開新  
社更道洪疇答聖王一死何能存九鼎千秋要與樹  
三綱父師經過東溟路應吊先生日月光

又賦

一曲灤河水千秋徹底清武王惟大聖夫子獨高名

故國魂應返中原世屢更金縉萬里客瞻敬慨餘情

榛子店次副使次季文蘭韻

風塵萬里換新粧客舍題詩淚滿裳可惜蛾眉多苦  
怨琵琶千古憶昭陽

其二

少學阿孃抹曉粧越羅新作嫁時裳驚魂未逐檀郎  
去羈夢歸寧漢水陽

高麗堡次副使韻

樂浪遼疆漢代移隋唐師旅濟麗時東民俘虜成鄉  
聚燕土風塵化羯夷水耨猶存箕壤俗世居那識首



丘悲人情久客真堪笑里號聞來喜曷為

次副使祿山貴妃廟韻

漁陽遺俗尚淫祠妃子終歸錦襪兒地下明皇能悟  
未鴻都道士果逢誰

通州次忘軒李胃韻

名都豪俠窟歌吹咽層霄野接黃龍塞河連白馬潮  
繁華傳 啓曆富庶自金遼世變民移俗 王風日  
以遙

寓隆福寺次副使韻

此路尚前路今燕非古燕魂消金粟下淚盡玉河邊

館客猶無所寺僧視眇然歸心瞻北極明日又新年

次副使除日詠懷韻

臘盡幽都斗柄回流光羈思共悠哉行人萬里有時  
返此歲一除何日迴白髮蕭森驚兩鬢黃金寂寞傍  
高臺世間無限關心恨此夜聊應柏酒開

次副使元宵韻 乙酉

孤吟永夜不成眠新歲羈情倍悵然客日周王演易  
數頽齡衛瑗知非年攝提初度傷今夕嵩嶽三呼望  
九天遙想家人燈火卜歸期應祝落花前 余以戊戌  
元日生術

家以為其年立春未過猶是丁酉用  
其言則恰為四十九故用知非語



元日是我懸弧之夕副使令公設杯盤以慰之  
惠佳什以壽之厚意不可忘謹和其韻以伸謝  
忱

羸得新春兩鬢絲由中百感攢愁眉靈著去一如吾  
歲正月無王亦夏時蓬矢平生男子志關山今夕故  
人卮深情善禱遺瓊玖大壽彭聃可等期

次副使見新曆有感韻

崇禎嗟如晉義熙剝陽猶待復生期人間歲月初周  
甲天下衣冠久化夷大統今成西國曆明堂誰見漢  
時儀年年頒朔三韓恥燕土逢春淚更垂陶徵士義  
熙以後不

書年號 皇朝用大統曆西洋人利瑪竇輩入  
積間精於曆法以大統為有差時議欲改而未及清  
人從其言改為時憲曆漢時  
改太初曆百神受紀於明堂

曉聞鐘磬有感示副使

蘭若何曾見一峰客心深省但晨鐘雞鳴舜跖分初  
界夢罷鄉山隔幾重絕學難追千古事流光不借少  
時容能成晚歲叅同契歸臥雲煙未必慵

館中觀調驛馬

莫憚勤調習悲鳴意可通誰人不懷土我馬亦依風  
槽檻三旬養山川萬里功春泥歸路滑用力過遼東  
夜聞隣家琵琶聲次杜律吹笛韻



夜寒虛館旅魂清誰送琵琶遠嫁聲直是昭君千古  
怨可憐關月十分明佳人莫恨和戎計弱國今傷奉  
幣征壹怪蒼天何意見並教夷狄九邊生

睡餘聞胡僧誦法華經次和靖詩韻

其僧自言遼陽人為

萬歲發願祈福燃斷二指十年誦經云為人為  
安多欲未解禪旨取名來城市雖有苦行不足  
也與語

臥聽胡僧誦法經三旬伴爾作居停塵根似火空燃  
指世界成髡易變形妄想休言延曆數佛心寧欲護  
羶腥遼陽自古多高士歸問橋頭舊姓丁

燕京次杜工部秦州雜詩

百二邊關險千峰杳靄間雲屯上谷界翠接太行山

蘿月中郎隱風塵六馭還蒼然萬古色留帶血痕斑

右居庸疊翠

漢末中郎盧植隱居讀書于  
庸塞明英皇歸時入此關

其二

夕照煙霞洞長虹飲玉泉祥光千佛變采氣老龍傳

影落三山下波連碣石邊河橋空悵望遠客思悠然

右玉泉垂虹

玉泉山在城西三十里以大泉  
名山泉水流入西苑為太液池

出為玉河水東入海元人詩日斜忽有  
玉采氣飛上太空橫作橋即垂虹也

其三

龍舟沒滉漾往迹石鯨知十里磨新鏡靚粧照侍兒



周詩王在沼漢戰帝臨池萬事隨雲水晴波蘸柳枝  
右太液晴波

其四

北金營此島曾役萬人羣乞取龍荒氣移來良嶽雲  
祥光觀 聖世勝賞在春分五色今消歇蓬山異舊  
聞

右瓊島春雲

瓊島在太液池傍金人始築而  
名之元時改萬歲山明仍之  
又稱煤山金未望氣者言塞外一山有王氣  
金人乞取此山土以鎮壓之元主笑而許之  
乃發卒掘其土又取良嶽文石築此山宣和  
良嶽嘗貢雲 皇明天啓間此山嘗有五色  
雲氣春日尤蔥蘢可愛八景  
初謂春陰 明時改謂春雲

其五

昌國誠奇士昭王亦倔强荒臺千古思落日暮雲長  
海內多羞恨人間老驢驢莫知斯已矣何必哭呼蒼  
右金臺夕照

其六

薊門煙樹裏東客伴春歸近見初無氣遐看却有輝  
乍驚桑海變旋逐野風飛此理誰曾識吾將訪令威  
右薊門煙樹

其七

曉月桑乾道長橋送別亭江南從此去柳色幾回青



碎影隨流水清光奪曙星東方看欲白車馬咽郊坰

右蘆溝曉月

蘆溝在城西十里石橋二百步橋邊多楊柳南北行人送別之

所河即古桑乾源出鴈門雲中云

其八

燕山多積雪霽景盡應難客歲三冬暖新春大地乾  
巖巒猶黑色澗谷但輕寒朔風天將厭玄郊謾有壇

右西山霽景

以上北京八景

其九

聖祖驅胡羯神功永配天建瓴高屋處定鼎丕基  
傳碣石臨滄海雲中導百泉山河表裏在虜馬入三

邊

右燕都

其十

百年星北拱萬折水東歸聖德非東顧三韓且式  
微昊天恩莫報青史事曾稀弱國今誰訴南城媿  
被圍

右憶

萬曆

穆陵嘗有萬折必東之教云

其十一

故國腥塵暗人間甲子回有興誰莫廢無往不重來  
三戶言曾契金刀運再開天心猶可復遺詔有餘



哀

右傷 崇禎

其十二

武侯才命世成敗任天時賢知終無奈英靈且莫悲  
三年多受侮一死或云遲慷慨非難事從容始得之

右吊柴市

柴市在西城內元時各以教忠坊立祠云

其十三

平生弧矢志吾豈倦茲遊永歎中心吊非關異國愁  
乾坤龍一去城郭鶴千秋此地難為客如何且久留

右入燕京

其十四

燕都城北寺壯麗敵王宮 景泰年中作興亡佛力  
空香爐銘記歲鎖戶破生風遠客春猶滯匪車不向  
東

右隆福寺

其十五

玉牒曾無驗諸君相耿光幽燕非海岱柴望有宮墻  
大像皇王服閭羅左右堂不如林放禮尼父歎應長  
右東嶽廟

其十六



譯書奚補事輸幣在何間半月常封印三陽亦閉關  
離宮百戲畢湯井幾時還任爾盤遊樂長愁遠客顏

右淹留

清主此遊且以文書翻譯之誤方物久未輸

其十七

鳴蹕三聲罷搖紅萬帽低鴻臚嗥似虎羶酪濁如泥  
曙色罨影龍旗鈿砌西再來同跪叩愁絕午門聲

右再赴朝參

二月五日清主還京又令赴朝參賜入班入酪茶

其十八

民風嗟易變燕土化龍沙冒說滿州族渾忘漢世家  
華音胡語雜關月笛中斜此事天應悔驕橫且莫誇

右燕俗

其十九

異域春將半征人盡憶家二冬無雨雪萬里漲風沙  
晉館雖留幣葵丘豈及瓜會當尋去路猶指鴨江花

右思歸

其二十

睡睫看初着紋枰子不繁鴈歸湘浦月花落武陵源  
因得江湖夢徑歸水竹村俄驚爭道語半局各成門

右觀碁

副使好碁余不解碁每傍觀坐睡

玉田道中觀耕者



野樹鷓鴣集春田土脉與老農先播麥長畝直如繩  
禮樂前生隔耕桑故俗承翻思江上宅雪水漲畦塍

寧遠衛秀才張赤城持詩請和與副使共和

論文無雜語傾盖却成歡使魯延陵子居遼管幼安  
燕歌還遠別鶴野尚餘寒去後能相憶回頭旭日看

廣寧道中遇雪

醫問山下雪紛紛萬里華夷壓一雲遠客愁看芳草  
沒東君媿殺百花芬荆卿別處衣難辨遼鶴歸時影  
莫分遙想南湖春水滿滿船簑笠釣魚羣

次副使周流河道中次工部韻

今年準擬遂初衣 王事驅馳未敢歸客裏三春還  
易過山中百卉已應稀孤城落日長河急古塞寒雲  
候鴈飛物性由來難自變如何不去我心違

遼野

滄海東頭鉅野殊縱橫千里四無隅天形渾盖徵周  
術地勢圓球認利圖多少行人旋磨螳升沉兩曜走  
盤珠若教章亥重來步尺度惟應倍五湖

圓故用渾盖地球等語

渡遼河

月下旌車曉渡河風前孤角起棲鴉三千歸路已強



半九十韶光餘幾何平野盡來愁僕御亂山深處足  
煙霞今朝定得寒泉食遠客休吟獨漉歌

將朝飯於  
冷井野次

水泉甘  
列故云

分水嶺途中少憇川上

百里三踰嶺羸驂又覺疲春隨殘日暮水向故園歸  
谷鳥迎人語溪魚見網疑荒邊雖異候幽思亦忘機

奉和仲氏所次唐詩韻

參差霜髮兩垂垂弟病兄衰正可悲遽子知非將數  
歲孔生過二亦多時暮年好學寧無味昏眼看書轉  
覺遲回首過庭詩禮問面墻今日益凄其

疎齋集卷之一



疎齋集卷之二目錄

詩

徐相國

文重

重牢宴席上次李季章韻

李判書

益壽

挽

徐相

文重

挽

孟監司

萬澤

挽

李留守

喜茂

挽

二首

羅掌令

良佐

挽

李判書美叔

秀彦

改葬挽

申僉正

應登

挽



柳統制使 星彩 挽

靜觀齋李先生 端相 改葬挽

李叅判 思永 挽 四首

韓叅判 聖佑 挽 二首

完南府院君夫人挽

洪正言 萬迪 挽

南相 九萬 挽

李監司 海翊 挽

金天安 鎮瑞 挽 三首

送夢窩金相國赴燕 二首

濟院贈金大有 昌業

次左相賀班志喜韻

進宴日志喜錄呈與宴諸公

次進宴詩韻寄金右相 宇杭

呈睡村李相國 畚

次睡村李相國韻 四首 ○ 附原韻

李判書 光迪 回榜宴次席上韻 四首

次達甫 金公鎮圭 寄示韻 三首

次達甫臨絕韻 二首 ○ 附原韻

次夢窩金相公寄示韻兼呈睡村相公 附原韻



又次夢窩相公韻 附原韻

曾從秦畫師得睡夢二公圖像草本置壁上又

和藩字韻詠兩真奉示二公 附次韻

又和夢窩相公韻 附原韻 次韻

謹次前日寄示韻奉呈牛坡閒案

宋判書 相琦 夫人挽

申叅判 銜 司馬回榜會詩 并序

次夢窩相公賡和 御製靈沼亭韻

陪 駕溫泉聯句

回鑾聯句

別子賓 從弟觀命 燕行 二首

戲次夢窩相公韻贈趙揚州定而 正萬〇二首

送李光佐赴燕

夢睡村李相國

遼野望哭次兒子韻 五首

次李同甫遊鳳凰臺詩軸韻 并序

次金士敬 時保 感懷詩韻 三首

李右尹 世晟 挽

俞判書 命雄 挽

李領府事 濡 挽



呂相 聖齊 夫人姜氏挽

冬至差祭 明陵

過露梁忠烈祠 附次韻

詠簷菑樹 附次韻

寄稼齋 金公昌業 靈筵

次沃州趙相國 泰采韻 附原韻次韻

別兒赴謫南原 附次韻

次前韻寄喜姪 附次韻

北望雲山寄兒二絕 附次韻

復次前韻 二首 附次韻

次兒子韻 附原韻

奴輩饋榆葉餅感而賦之

重修舊齋



疎齋集卷之二

詩

徐相國

文重

重牢宴席上次李季章韻

其從子魯望相

公及耆英諸公來會

華堂花燭映春天盛禮重回合  
香年慶祝壽祺樽有酒會成真  
率席無絃槐陰滿地聯台座  
鳩杖扶賓上錦筵洛社未必專  
勝事相門今日最堪傳

李判書

益壽挽

尚書操履最清貧峻秩天官位  
望新少日風稜爭殿陛晚年恩  
渥聳冠紳驚心急疾成長夜回  
首聯班



隔一晨堪恨須臾人世事向來辭說漫紛纒

徐相文重挽

韋平傳世業姚宋救時良幹事資貞固存心任直方  
輕車驅熟路大厦作脩椽緩帶威風肅巖廊石畫長  
漁舟徒夢想洛社且相羊合卷重開席懸車幾上章  
人間完福履身後盛恩光萬事終無欠全歸詎可  
傷英靈未忍訣魏闕永相望此世餘吾輩時危但  
涕滂

孟監司萬澤挽

博識通時務澄清仰盛名瑤宮舊日夢仙桂十年榮

冰檠追先業圖書慰暮情誰云靜者壽乍別隔幽明

李留守喜茂挽

末路交難保愚慵荷辱知炎荒傾盖日幽塞飲冰時  
一見曾如舊深情久不移琅琅病裏語握手露心期

其二

善人邦國紀殄瘁痛何深清白名家業平生赤子心  
公言涇渭混大義日星森薄俗雖多訾淳風衆所欽

羅掌令良佐挽

家世潘楊類弟昆深情不逐雨雲翻升堂幾見斑衣  
樂投轄類留仲長園萬死重逢空有淚一時紛聒欲



無言人生七十歸何恨孝謹遺風屬子孫

李判書美叔

秀彥

改葬挽

堂號  
醉夢

遙聞旌斐返先坐塵世還疑醉夢醒大厦高材嗟可惜  
惜寒花晚節尚餘馨重泉師友能相見後死悲憂孰  
令聽泣向鴿原論至痛龍門同日閉玄扃

吾先兄改葬亦在同

申僉正

應澄

挽

明年當以八十加資而遽逝家在關墻

新年正擬賀 恩資歌在賓筵奉壽卮里巷春回人事改  
可堪墻外送靈輜

柳統制使

星彩

挽

巷南闐咽送靈輜錦水歸魂不可追投筆初心終漢落  
騎驢晚計亦差池篋中久有春冰字門外悲看節度旗  
千古任安同氣義一生寧負老師知

靜觀齋李先生

端相

改葬挽

昔受先君命齠年拜先生二家三世好親愛如父兄  
一見謂可教初筮告蒙亨雄深漢史傳警切唐歌行  
分明句字間反復文義并當時病已深不倦推深誠  
握衣未云幾凶夢莫兩楹童駭何所知寤寐想典刑  
癯容映冰壺眼光猶熒熒長與賢郎遊快覩遺編成  
周旋和酒間益聞造詣宏周邵理數學疏錢歛退情



千秋塵數人一身專其明山顏恨愈深灑涕過玄亭  
邈來四十年世事紛可驚介石已見幾空山狐狸鳴  
斯文厄會際孰不追餘馨孝子善繼志師友推盛名  
行營遷幽宅返本歸先塋旌嬰再出地奄忽鎖玄扃  
小子久失學憂時髮盡星大厦今誰支雪涕望九京

李叅判 思永挽

人生盡百年百年能幾何所以聖繫易大耋亦興嗟

其二

惜哉勁直性未究棟樑用低回冗散地八旬猶一夢

其三

朝無老成人更屬艱虞時眷茲平生懷安得不酸悲

其四

秋原霜露降故山松檜青耿耿 宗國憂千秋掩玄  
扃

韓叅判 聖佑挽

耆舊凋零盡悲吟殄瘁章冰壺貞特操鐵石老剛腸  
惠化甘棠愛昌言汗竹香不須嗟日昃身後令名長

其二

明發都門道縻官阻送輻艱虞思勁節冥漠羨全歸  
臺省聯章日炎荒返袂時平生慕氣義回首益沾衣



完南府院君夫人挽

聖朝追憶相公賢命婦尊榮六十年身後悲涼那忍說在孫稱孝獨餘玄

洪正言

萬迪

挽

嘗以殿試考官共草策問

我年孔文舉君年蘧伯玉顏齡竟莫保少壯嗟未識看君大家風傳守在清白知君君子心坦易無偏側科名晚再闡進塗方大闢榮華忽春夢至痛門間隔哀哀老伯心莫慰風雨夕憶昨 金殿中共草賢良策筆札今尚在悲來不忍讀

南相

九萬

挽

達尊奚復憾時運正多艱 異渥今難報沉憂定莫刪傷心先友記回首早朝班隔歲成千古公私一涕潛

李監司

海朝

挽

先集纔承惠薤歌遽見催人生脆若是時運否誰回奎壁傳家業棟樑濟世材歛為秋柏實何忍掩泉臺

金天安

鍾瑞

挽

薤歌哀唱過門問朝暮歸兒望已虛借問廣陵松柏裏鴈行鯉對更如初

其二



天壽吾猶說竹泉晨昏願慰北堂前君家位葬知多  
少此瘞何如癸酉年

其三

詩禮遺風 恩澤家早年才氣世爭誇悲歡閱盡身  
多病墨綬風塵鬢已華

送夢窩金相國赴燕 壬辰

雪裏征車出獐風拂旆旌莫將三百誦輕視四千程  
遠別同衰老茲行足困衡 王靈隨處仗春日好相  
迎

其二

弱國難爲相玄冬亦飲水爭如咽雪苦未可裂書能  
往迹已無處悲歌定不勝墳麓和擊筑燕士淚垂膺  
濟院贈金大有 昌業 時大有從其伯夢窩相公

赴燕

都門夜雪欲埋輪西北寒雲萬里屯此日送君幽薊  
去壯遊何必爲傷神

次左相賀班志喜韻

嘗 藥憂遑閱四時候班忽變賀班儀周壇吉卜徵  
金匱嵩岳歡聲動 玉墀擁佑百神天意見平康五  
福 聖人宜微誠尚切淵冰戒敬德深知永命期



進宴日志喜錄呈與宴諸公

天錫吾 王翼日祥五年重進萬年觴隆名寶曆今  
同慶汾水鎬京詎可方秋爛禁林裁錦繡風微 殿  
閣引簫簧小臣喜極還疑夢踏舞仍吟蟋蟀章

次進宴詩韻寄金右相

宇杭

甲午

甲峰相公昌言于 御宴請減今年身布之  
半以示與民同樂之意 聖上詢于諸大臣  
臣對曰右相常欲變通良役今日之言為之  
兆矣但酒後卒發恐欠商量其明日 恩旨  
特降使廟堂議行戶布口錢之法於戲 國

家中興之運當自此始而啓佑 聖心相公

儘有力矣不勝忻忭謹疊進宴詩韻奉呈台

座深謝前言之失且勗公擔荷此盛業云

黃髮嘉謨導百祥莫云先醉九霞觴昇平一曲與民

樂大保千年敬德方 更化佇看調若瑟異言寧怕

巧如簧願公壁立承 明詔無使疎愚復上章

呈睡村李相國

會

進宴後二日睡村相公上章乞歸鹿川相公  
招邀耆英數公攜酒來會獨東岡相公病未  
赴焉且謂大臣年未及七十而與耆會自國



初已然兼有涑水故事並請夢窩甲峰晚靜  
三相公不佞亦與其列甲峰以病晚靜以服  
辭之會者凡六人乃用洛社約尚齒不尚官  
談笑竟夕而罷謹成拙律以詠盛事奉呈睡  
村台座請與諸公俯和

昨醉

匀天一夢榮盛筵今夕躡耆英會成真率三

秋晚年計通融四百羸故事不辭盧狄似高名敢與  
富文併誰將勝迹傳形貌且慰江湖別後情原任工曹判書

李公光迪八十七歲原任吏曹判書黃公欽七十六歲原任領議政李公畬七十歲原任領議政李公濡七十歲左議政金公昌集六十七歲原任左議政李順命五十七歲合四百二十七歲

次睡村李相國韻

岸上愁聞款乃聲遲遲此去豈催行青楓白露秋江  
冷渭水終南夢裏情

其二

東都祖道古聞聲末路何人有此行悵悵龍門未歸  
客隔年霜露抱悲情

其三

繫纜平丘昨寄聲今朝應過大灘行乘風縱喜鄉山  
近 綸綉翩翩惱 聖情

其四



沉憂幾歲祝 嵩聲危辱同時出郭行別後鷓班如一夢青郊回首更關情

原韻

睡村

分付篙工緩櫓聲終南漸遠莫催行漢江江水深無極那及孤臣去 國情

李判書

光迪

回榜宴次席上韻

丙申

神仙名籍世間身花甲初回唱榜辰應見三千桃結子更教六十桂為春俛亭故事猶田舍洛社羣公半散人何似需雲沾惠養樽前踏舞拜 楓宸

其二

曠世榮光九袞身登龍周甲際 昌辰肩輿半倚黃封醉簪桂重回白髮春一榜祗今公獨壽壯元當日我先人稱觴掩涕還成祝幾度陳箋謝 玉宸

其三

丹桂靈春公一身百花仙酒近弧辰老臣猶有金滕祝 大化渾歸壽域春同榜子孫皆白髮赴筵賓客摠新人 彤庭拜祝稱奇事再見祥雲繞 紫宸

其四

寧陵八載榜中身降以 崇禎舊戊辰立歲登朝周甲子元年起數記 王春京師寤歎空遺志 香案



周旋獨舊人養老乞言應有日願將斯義告 重宸

次達甫金公鎮圭寄示韻

觀閔雖多豈自歎微臣萬死罪難寬四年嘗 藥曾  
何補昕晡徒能再問 安

其二

夢裏 君王不遠離溫然 天語荷深慈覺來西望  
嚴城閉 夜寢如何問向誰

其三

朝朝曳履自鷓班晝漏聲中每告還  
路幾回回首 午門間

次達甫臨絕韻

聞子留詩返太虛太虛何似未來初應無二氣相推  
盪獨保清明果有餘

其二

聖德重光日月通高堂別後起居同九原一念能知  
否後死悲君亦夢中

原韻

竹泉

來自太虛還太虛清明一氣復其初世人誰識吾  
歸處杳杳青天萬里餘

其二



死生一理自能通斯世元來弊屣同只有君親餘  
一念應知耿耿九原中

次夢窩金相公寄示韻兼呈睡村相公

跋蹇危蹤出國門嬰鱗又見二公存沉憂共祝金滕  
卜傲屋還成鼎足村一枕西風應入夢連床夜雨亦  
知恩何當燕賀同歸社任爾營蠅止棘藩睡村在  
鄉時有

西風一枕涼之詩夢  
窩方寓其弟稼齋家

原韻

夢窩

聯翩赤鳥出青門惠好餘風復見存負郭田園尋  
老稼臨江亭館得新村並游弄鼓應同患先佩香

蘭亦是恩最說睡翁居處陋暮年行止類羊藩

次韻

睡村

荒郊矮屋草為門潦倒殘骸一綫存未死猶瞻  
天北極求歸空憶水東村風波踏地何時定螻蟻  
容身到底恩旅泊更愁無着處夜來淫雨壞垣  
藩

又次夢窩相公韻

一出春明隔九門尚應衣袖舊香存憂心獨夜鬢  
邊雪陳迹十年江上村三至幸無慈母惑此生難報  
聖君恩元龍習氣今休問夢媿南湖竹裏藩丙戌曾  
寓此舍



故云  
十年

原韻

夢窩

三年承 候詣金門今日班中更孰存往事依依  
趨藥院行裝落落滯荒村憂虞轉劇無餘念郵責  
終輕豈薄 恩早晚歸田猶未卜任他松菊翳山  
藩

其二

空林積雨掩柴門誰識簾軒一老存滿塢竹陰分  
案牘三池荷氣共隣村休官已自忘榮辱謝世何  
曾記怨恩有意東坡營小築暮年兄弟對籬藩

其三

遲徊未忍遠 脩門嘗 藥餘憂耿耿存佳氣每  
瞻雲裏 闕閒情且寄水邊村誠深保護終招謗  
迹涉優游亦荷 恩問舍求田猶未晚欲從何處  
起幽藩

其四

出書遲遲戀 闕門一生憂國至誠存秦關紫氣  
千言老邵圃青瓜十里村握手挽行曾異禮開心  
賜批獨 殊恩秋風乍動憂仍解會見歸帆落水  
藩



曾從秦畫師得睡夢二公圖像草本置壁上又  
和藩字韻詠兩真奉示二公

病臥空齋獨掩門壁間雙像日常存縱然脉脉難相  
語猶勝樓樓隔遠村神會已忘形異影迹閒寧恨辱  
隨恩祗憐如睡還如夢共伴憂人野外藩

次韻

夢窩

草創雙真落相門精神阿堵果誰存丹青猥近  
南熏殿物色疑臨版築村三事班聯慙俗狀七分  
工就感 天恩知公左右時回眄忽若相隨在一  
藩

次韻

睡村

一郊相望各關門聞說披顏畫草存舊德共知支  
厦屋殘骸本合着山村不圖形像聯台曜只有心  
肝戴 聖恩更覺襟期兩無隔粉牋移得水邊藩

又和夢窩相公韻

同人郊居共關門時盍朋簪好約存桂棹重回剡水  
月鳩筇亦訪朗陵村過從無乃還成罪閒適惟知並  
荷 恩更有新詩如對面莫愁匏繫在籬藩

原韻

夢窩

相望荒郊各掩門盍簪何處好期存三湖談屑翻



驚座十里是音稍出村世路雖賸寧掛意江干漫  
浪亦啣恩獨憐老稼齋中客身似懸瓠但守藩

次韻

二憂堂

聯翩赤舄出青門共是荒郊晚計存偶向疎齋陪  
睡相猶嫌石墅隔新村江間散置真吾分野外追  
攀亦聖恩遙想諸公閒事業謾將吟筆着庭藩  
謹次前日寄示韻奉呈牛坡閒案

牛坡物色近何如清禁君曾勸卜居一出春明迷  
去向始知韓子說紆餘江湖今豈容耕釣魚鳥還愁  
有簡書帶月歸舟空入夢莫教音墨久相疎

宋判書

相琦

夫人挽

盛宗推淑慎君子助清名恩誥金泥煥兒孫犀角  
盈百年借老說今日獨歸情怊悵挽車路江楓照粉  
旌

申叅判

銜

司馬回榜會詩

弁序

叅判申公年十九選司馬試今歲甲子一周  
其子孫邀賓設酒以慶之不佞屏伏城外恨  
不獲覩盛舉公之胤監役君致公命授簡俾  
詠其事乃敢忘拙追呈仍憶丙寅歲公始擢  
大科不佞遇于騎省戲使之年公曰君未生



前一年吾登上庠年不可問矣滿座為之絕  
倒今屈指已三十年而公長身不僂燈下作  
細字氣力不異其時自此重見丙寅之周恐  
無難故輒道往事以祝方來但未知此脆骨  
危迹能再賡此詩否昔屈左徒欲長年度世  
以觀世變之無窮又未知公意亦然否

大耋康寧享晚榮天宮少宰地仙名數三月後耆英  
社六十年前太學生遐筭豈容騎省問勝筵重祝丙  
寅成危蹤獨阻稱觴壽拙句留題待再賡

次夢窩相公賡和 御製靈沼亭韻

先朝陳迹一池亭遺老迎 鑾淚盡零此日 聖情

增感慕 雲章字字孝思形

陪 駕溫泉聯句 丁酉

坎德中含陽坤靈釀湯井 疎齋 中原擅驪山東土最

溫境 夢窩 自少疏黃氣疑出砂朱礦 疎 規脉應深遠

盈科即俄頃祝融猶讓熱玄冥却失冷 夢 豈獨瘳身

瘡亦能去眼昏 疎 醫工謝砭炳靈驗捷響影 夢 壽域

天昏絕 宗祊吉慶僅往迹 光陵記 先朝五歲

幸 疎 聖疾沉綿久深宮攝養靜保護責固重遞代

憂共柄 夢 嘗藥既殫技動 駕寧微倖 疎 初程已舒



暢長路采康靖夢玉甃瑞煙藹瑤階晴晝永疎靈液

挹盈瓢餘波灑沾聚夢乍浴縱取效少愈宜存儆疎

天步失舊艱日光開新景夢曷日可回鑿誰人不

延頸疎湖壘作都邑野次排署省夢趨班約聯鑣

賜浴譏同程土床蟲蛇逼紙壁風雨打疎回看宿衛

壯却喜部伍整枕戈甘露屯擊柝夜宵警屬歲罹庚

癸茲邦甚乙丙夢况今宵肝憂比古耕歛省疎供

億摠蠲租樵蘇遠輸艫追賢香火降起士弓旌秉夢

深仁洽羣黎甘澍滋新穰憂時義相勉報主心常

耿疎媿非鑿國手歸上乞骸請夢

回鑿聯句次韓孟秋雨韻

天時春夏際地理湖海會夢窩四野青蕪合千里陽

和藹疎萬物方暢茂一氣自交泰夢風前樹飄藥

雨後溪成瀨疎時當駕幸遠日承王言大夢

仁恩浹獨歌詠遍耄艾疎露卒軫常勤僵殍哀無

奈夢疎才忝調鼎嘉謨慚塞兌疎行宮忽旋蹕大

江重擊汰夢靈泉久應驗百神寧自外六鰲期共抃

八鑿先已噦疎華館山擬壽靈沼荷留謁巡省比

先王湯沐非豐沛夢營陳並人城鏡鼓助地籟疎

御膳務簡約供帳戒奢怵夢茂才搜巖穴高年錫鞶



帶禮賢誠有餘議獄文無害疎使民豈奪農除道不  
 犯澮百事曾無擾一方終有賴夢民情察幽鄙 聖  
 筭昭神蔡山川亦冥佑柴望宜重酌疎昔來草丰茸  
 今往樹蒼蒼夢朱明逼敲赫雷師禁轟磕疎千軍劍  
 挾霜百僚纓垂貝夢但憐彼翳桑誰復能傾廡疎惟  
 天降來牟不日蘇流丐夢故里逝按堵春稅免輸馱  
疎漸看綠陰繁又有黃鳥翮父老送 衮衣都人望  
 翠蓋夢長亭過若夢小縣看如鄣躑躅歸馬飛翻  
 催返旆疎冠岫已迎 仗華峰微露靄稍喜近清漢  
 不嫌漲飛壻夢厭踏沙堤路幾憶松江膾鄉心吏部

忙世憂吾輩最疎微誠在保護一身忘顛沛金滕祝  
 協祥解澤祈流霈夢行尋攜手約此計誰云太疎

別子賓從弟觀命燕行

班停百隔奄行期怙悵明朝阻路歧遠役正當疑近  
 節同衰非復別離時飲水憐爾河魚疾嘗 藥悲吾  
 貝錦詩若使早成攜手約陰陽人道兩無疑

其二

二十年來三渡遼同堂兄弟最賢勞單于豈識君家  
 世遺老應傳漢節旄日暮壯心悲道遠天寒歸夢繞  
 樓高新春鳴玉吾當出還訪扁舟錦水濤



戲次夢窩相公韻贈趙揚州定而

正萬

使君為政教從身治下應無怨曠民不識姬文先四日亦嘗仁及萬鍾人

其二

夢窩先生願乞身自稱楊土一鰥良多情太守休相念化蝶將成禁闈人

送李光佐赴燕

君家文忠公觀樂延州李我家文貞公嚙雪漢天使邇來五十年榮辱一何異况今君及我奈彼天方醉但願追兩祖夷險期無貳危疑誣枉日惴慄生死地

忠肝與義膽竟獲艱貞利北風遼野濶徒御冰成淚猶勝風塵際存亡競造次行矣勿躡躅默察天下事

夢睡村李相國

曉夢遇睡村相公於班中欲與之語班遽散而覺覺來為之一涕此翁初卜睡村作詩云萬事無如睡味長今以大寐為快樂否吟成一絕寄示任丈大仲

整

玉樹流鶯曉氣蒼西清殘夢半微茫逢君未說心中事別後惟應睡味長

遼野望哭次兒子韻

庚子



看星野哭望東都何似湘絃夜月孤遙想 西陵松  
柏裏白雲 仙駕是 蒼梧

其二

十載焦憂復此行不堪揮淚出 官城百身黃鳥嗟  
吾願四牡輕車豈憚征

其三

鑄石 幽宮淚筆泚深慚帝典闡文思世間言議紛  
無定尼父如何說罪知

其四

今朝 殷莫想班催苴經千官哭盡哀客夢不知

仙路隔夜來 金殿問 安廻

其五

攀髯莫及寸誠微劍舄 靈辰疾若飛歸日果如蘇  
屬國 寢園惟拜月遊衣

次李同甫遊鳳凰臺詩軸韻

并序

辛丑

砥平處亂峽奔流間獨縣東十里有梁氏鳳  
凰臺者奇巖特立松檜鬱然前臨平野下繞  
澄潭然臺上未曾有一茅棟盛時百家村今  
餘數屋若置之鄴杜間必不然矣其所以得  
名者或曾有其實歟抑地勢有似金陵者歟



雖不可知而大抵極蕭灑矣芝翁昨歲攜冠  
童來遊而甚樂之諸梁但許其借居翁之一  
家諸少年各賦詩與文共成一軸今歲翁聞  
余東入要余勸諸梁築精舍其上約以暮年  
攜手同遊蓋久不能忘也且使余記其遊而  
和其詩余惟鳳聲久悠悠矣藹藹吉士今不  
可見但願翁觀山泉之象養諸少以聖功使  
之一一含瑞圖如子美之詩豈不有光於家  
國哉若三山二水之句不足多也以此和軸  
中之韻深祝翁門云

金陵詩句擅才雄但道高臺鳳去空豈若紫芝商嶺  
老還思春服舞雩風周王吉士誰歌詠工部深衷庶  
感通鳴鳥不聞嗟已矣山泉只合養羣蒙杜鳳凰臺詩有深衷  
正為此語

次金士敬時保感懷詩韻

谷中有遺齋湖上開新亭云誰此經始靜觀李先生  
先生聞大道灑落早遺榮淵冰夕惕戒松柏歲寒貞  
至誠師友間斯文倚重名卒易如假年世道豈榛荆  
平生一太極觀物養性靈此理少人知池月自虧明

右太極亭



其二

良翁承家學早從賢師門賢師扁其齋志事繼先君  
詩成屋未就肯構傳遺芬恐負父師意外物視如雲  
靈芝嘆三秀白首窮典墳琴亡已斷吟身隱焉用文  
翔鸞萬仞心鳴鶴九臯聞邇來欲深入益愁人事繁  
每見屢幅書辭氣多氤氳何當兩角巾談笑連朝曛  
相思隔莽蒼一往寧食言

右志事齋

其二

我聞隱求庵白雲傍古寺碩人宜考槃雲壑復清邃

欲往從之遊非我出無騎山中今寂寞所思已九地  
昔在禍難後恨不同脫屣昨逢淵與稼話舊淚盈解  
羨子求有得卓爾千古事嗟我迷稅駕歲月亦云逝  
况茲艱虞際吾道日蒙翳時對老相國共灑君山涕

右隱求庵

李右尹

世晟挽

子之高祖母我之曾老姑夙歲罹愍凶歸我攜三孤  
托葬分一阡同爨無異厨父母悲晝燭兄弟恐隕珠  
豁達女士志半生忍苦荼高堂晚壽考色養共怡愉  
百孫半自出曾玄長成俱舅甥視父子中表同友于



槐院舊告身藏篋在扶蘇兩家當日事百年可反隅  
聞子先故訓恩義誓莫渝後屬日疎遠人情逐世殊  
惟有子伯仲誠意久相孚諄諄道故情感歎增嗚呼  
油然孝悌思愷悌神所扶嶷嶷賢相國追榮 寵光  
紆銅章老竒才大耄方亨衢鶴髮耶軒駟鳩杖歸江  
湖歌缶祝餘年寒花映暮途誰知轉頭頃日是如過  
駒人事可無憾神理還堪吁溫良秉心法勤謹終身  
符蘊而莫展施時命豈爲拘餘慶尚可待旒旒四丈  
夫南歸空宿約雪涕望泉塗哀歌遠相紉感舊魂有  
無

俞判書

命雄挽

霜落清江外秋懷不自持君隨黃葉去我共旅鴻悲  
蒿里今年別薤歌幾首詩善人難再見衰淚益漣漣

李領府事

濡挽

大耄黃扉老全歸今聞昭孰如憂國蔡爭道救時姚  
塵世何須羨 雲鄉定不遙應將今日慶踏舞 玉  
欄朝

呂相

聖齊

夫人姜氏挽

聖代無幽枉疏寃及婦人鸞膠斷可續龍劍會如神  
往事今休說 殊恩古絕倫猶餘泉壤恨黃閣幾時



伸

冬至差祭 明陵

風雪子之半孤臣哭盡哀一陽能再復 仙馭不重  
來寂寞 珠丘閉蒼涼 寶殿開誰憐蘇武節隔歲  
茂陵廻

過露梁忠烈祠

苦戰身死李將軍當年不復數奇勲後來誰是波濤  
筆刻石題篇媿我文 余曾跋公遺事記公墓表  
又作古今島關廟碑故云

次韻

器之

此地曾殲日本軍怒濤拍岸想偉勲古來偏壤忠

臣厄淚灑九翁勒石文

詠薜萄樹

好在堂前薜萄花當時手種短如麻今來老幹凌簷  
角已結明年六出芽 前來時笑百種此樹今來此家  
首見此樹如久別故舊迎人權

次韻

器之

初怪庭中梔子花千苞萬葉簇如麻為緣愛護甘  
棠極不使兒童剪蘂芽

寄稼齋

金公昌業 靈筵 壬寅

臨行大有竟不淑此來聞葬有日而不能為



相紼之辭其孤過海泣乞乃以死生苦樂寄  
問其靈筵使之置香卓上

問君長逝意何如還似雲煙散太虛世故悲歡春夢  
後病中離別淚痕餘人間厭聽蜩蟬沸海上重臨魍  
魎墟近與伯公同此苦暫時先去莫唏噓

次沃州趙相國

秦采韻

蘭珮歌成淚滿纓楚雲湘水寄深情同隨遼鶴三千  
里復徙溟鵬九萬程緩死 聖恩猶此世壯遊吾輩  
最今行春深兩島無消息天末相思月共明

原韻

二憂堂

孤臣危涕自沾纓不但區區戀 闕情半夜蒼黃  
同出郭一時漂散各分程倘知家 國無他慮寧  
悔湘潭有此行從古忠良多不枉幾何雲日晦還  
明

次韻

夢窩

清湘只合濯吾纓懷石投波是底情且幸棘籬今  
偃息休言鞮屨昔催程愚忠共爲 宗祊計嚴譴  
豈辭嶺海行莫把離騷輸怨恨蒼穹應鑑寸心明  
別兒赴謫南原

臨別休啼且勉餐莫教清淚被衰顏殘齡已過庖犧



畫忠悃徒知 社稷安爲死 炎荒吾不恨 同時淪謫  
爾何關 皓天猶可千秋必 寧忘人間父子歡

次韻

噐之

征驂已戒僕 夫餐臨去無言 慘別顏 海濶未應魂  
夢阻天寒 惟望起居安 喬陵宿草 春風動絕嶠  
柴扉白日 關賴有青天 頭上在江鄉 歸去可承歡

其二

別離能不减 眠餐只有寒梅對 瘦顏豈但罹 讒痛  
蕭傳也知流涕念 袁安南溟日 暖魚龍窟 北極  
雲霾虎豹關 善順豈非天所佑 羸酬歌 正暮年歡

次前韻寄喜姪

喜之時  
謫長興

理遣牢愁 努力餐離憂 爾可慰 慈顏同來百越 音書  
濶互祝三危 父子安 世事任他翻覆 手工夫驗我死  
生關 梨花滿地無誰語 靜聽時禽得意歡

次韻

喜之

朝晡東望 祝加餐 棘裏猶應夢 聖顏皇鑑孔昭  
終佑順 宗祊欲墜 敢求安天連 漲海春浮嶼 雨  
壓幽篁 晝掩關赤舄 當年惟遜美彩衣 何日更承  
歡

北望雲山寄兒二絕



生憎智異與天參千里雄盤噴瘴嵐陟岵吾兒方極  
目如何復遮望江南

其二

龍城江水北東流流入蟾津到海頭遙想汝心隨水  
逝春風徙倚驛南樓

次韻

器之

閉門春晝若禪參北客南州畏瘴嵐如何夜夜趨  
庭夢更向天涯大海南

其二

心逐蟾江一派流眼遮智異萬峰頭乘風欲上雲

鄉去長跪陳辭 白玉樓

復次前韻

炎州煙瘴澤山參海氣如蒸谷吐嵐又與浮雲同掩  
靄日躔黃赤晦東南

其二

行止由來任坎流半生憂患雪盈頭回看三十年如  
夢海鶴存亡獨上樓

次韻

器之

海氣蒸天瘴霧參錦山亭午每青嵐吉人自有神  
明護將理何曾有北南



其二

門前野外漫春流日日羣鷗滿水頭又見空庭移  
返照愁來何處上高樓

次韻

喜之

沉沉叢棘與雲參棘裏東風攬毒嵐自有一誠消  
百厲壽星元照海天南

其二

園陵北望涕雙流薜萄花開雪覆頭 龍馭在天  
應 眷顧前宵夢又拜 彤樓

次兒子韻

春盡觀時物煦濡羨乳禽拮据陰雨計顧畏下民侵  
各自因天性如何傷我心悄然還獨臥歸路夢中尋

原韻

器之

高槐翳白日竟夕有鳴禽疊嶺黝雲濕平畦亂水  
侵風霜空世變花柳自天心南北庭闈隔魂招不  
可尋

其二

待書書不到村樹又棲禽歸夢濤聲撼霸愁草色  
侵蒼黃今日事感慨百年心洛閩遺編在窮居庶  
究尋



奴輩饋榆葉餅感而賦之

黃榆初葉嫩如酥每歲饗人供內厨今日天涯看

此餅萬行哀淚望蒼梧先王嗜榆葉餅每歲葉初

內厨同米作餅以進直內局日慣知今來海中奴輩作此餅饋之對案不覺愴涕

重修舊齋

止坎齋為習坎齋增楹補壁略安排再來重險終非

偶追換新名豈用佳穿壁向明開小牖限庭因地設

層堦置于叢棘能無咎惟有心亨與道借前來時邑人助之構

此齋名以止坎今重來故換名習坎如重險自牖設險叢棘無咎等語皆用本卦之辭

疎齋集卷之二



